

影刊宋金元明本詞

第二六册

影刊宋金元明本詞

PDG

景范本秘閣卷

主樂府四奏

秋澗先生大全文集卷第七十四

樂府

望海潮

乙卯歲端年賦北郊
騎鞠呈節使史俟

龍沙王氣恒山秀色德星光動南州使君高宴北城
佳處薰風紅閃旗旒兩翼擁貔貅駭鼉鳴疊鼓挾奮
驚虬一點星飛盡柱得意過邊籌 貂蟬元自兜鍪
笑閭閻小子談笑封侯萬騎平原千艘漢水堂堂小
試青油賓從儘風流喜武同張肄書漫韓投樂事更
醕醉魂還夢菊花秋

二為故相雲
史公壽

炬明珂馬戟森兵衛日長鈴閣春凝舜朝儀鳳傳嚴
霖兩世傳昂宿儲精天地入經綸見東山高卧一念

蒼生談笑金華故事六合海波平 一杯福壽川增
請丈人靜聽賤子微誠蘇嶺雲霞西溪梅竹風煙盡
出共城羽翼漢功成儘山中名在天外鴻冥一點台
星清光長射老人明

三

為子初
總管壽

桐鄉遺愛于門陰積充閭氣自葱葱霜華封菊橙金
泛醪秋香吹滿簾櫳人物漢元龍喜升堂一拜今歲
相同洗盡金貂貴氣黃卷貯深功 見君雅量雍容
信男兒到此方是英雄林下夫人膝前文度摩挲湖
玉雙峰福壽儘無窮看一家樂事五縣提封彩袖歌
鍾年年長醉玳筵紅

水調歌頭

送王子初
之太康

將軍報書切高卧起
璃蟠悲歡離合長事知已古為
難憶昔草廬人去鬱々風雲英氣千載到君還歌吹
展江底長缺不須彈路漫漫天渺々興翩翩西風
鴻鵠一舉橫絕碧雲端自笑鵲鴿孤影落日野煙原
上沙晚不勝寒後夜一相憶明月滿江干

二為仲方
東園賦

野飲不稱意歸促紫游韁誰知草堂深處清賞興尤
長夢裏佳人錦瑟眼底瓦盆濁酒衣袖醉牀浪歌罷
竹軒晚風細月波涼為東園梅與竹足清香不須
更栽桃李花底駐春光人道溱源家世王謝風流未
遠培取桂枝芳讀書貧亦好此語試平章

三送王脩
南東還

樊川吾所愛老我莫能儔二年鞍馬淇上來往更風
流夢裏池塘春草却被鳴禽呼覺柳暗水邊樓浩蕩
故園思汶水日悠悠洛陽花梁苑月苦遲留半生
許與詞伯不負壯年游我亦布衣游子久欲觀光齊
魯羈紲在鷹韉早晚西湖上同醉木蘭舟

四

和趙明叔韻

西山捲殘雨天宇翠眉脩餘霞漸成綺散樓外月如
舟漾漾銀河垂地浩浩天風拂枕吹滿一簾秋覺我
清興遠歸夢到崑幽野猿驚山鳥笑欲何求十年
一官黃散了不到封侯自有竹林佳處滿酌窪樽貯
酒一醉共浮休夔契在廊廟畎畝不須憂

五
次前

紉蘭綴芳佩遠駕振靈脩王成事海無際泛若一輕
舟誰著朱衣白簡老坐癡床十日霜鵲漫橫秋落日
壯心在不負鬼神幽笑咿嗟驚骸骸竟何求丈夫
出處義在不用計行留萬事味來嚼蠟只有濟時一
念未肯死前休驅馬出東郭聊以散吾憂

六

和姚雪齋韻

書史有真味誰遣博微官丈夫出處道在義命正須
安浩浩都門冠蓋眼冷難蟲得失矯首入遐觀時對
雪齋老清議豁襟顏閱名書探理窟警銘盤自嘆
空然鼠腹過飲不知繁萬古乾坤清氣散入詩仙脾
膈揮洒有餘歡早晚付心訣風雨滿堂寒

七

壽雪齋

高齋際晴雪萬象入遐觀文章在公餘事聞望到歐
韓千古微茫洙泗浩浩發源伊洛百折障狂瀾歌詠
武公志傲抑過銘盤濟時心調鼎手未容閑重看
印窠垂錦花底壓千官見說梅梢春信一夜蠟痕香
滿光動壽杯寬勲業鼎鐘上留待百年看

八壽王子壽時
年八十三

汾流浥餘潤霜菊滿秋香釀成一堂和氣來薦老人
觴七十人生稀有况復年踰八十飲啖日康強翫
欲誰與趙壹倚門傍頰浮丹瞳點漆鬢如霜平生
陰有神相特為表剛腸世事語來無味只有讀書一
念老矣不能忘九老更添一圖畫見高堂

九壽時

佩蘭近佳節高第照神州西山致有爽氣天際翠眉
脩釀作碧霄清露晴滿庭前細菊香淡一簾秋春酒
未容瀉壽席已風流 鏘鳴玉看獨步鳳池頭薦賢
貢宰事業藥籠到兼收總道生平襟量一片丹衷為
國不負幙中籌齊濟救時語持用壽君侯

十

文卿提刑自陝西按察改授河東其子
東還寄聲不肖且徵鄙作因贈樂府水
調歌頭以荅雅意

一峰華不注東望兩冥冥黃雲盡角回首客舍又幽
并喜接西來佳耗聞道東山未老雙鬢為誰青經濟
有公論且莫嘆飄零 杏花吟山色句儘稱停平生

風味不淺聊爾寫襟靈步冷東垣秋水坐對汾亭夜
月兩地若為情合作碧簫曲留待醉時聽

十一宴張右丞
遂初園

園林足佳勝鐘鼓樂時康去天尺五韋杜此日漢金
張誰侶主人好客暫趨金華少暇罇俎共徜徉三館
儘英雋簪履玉生光 眺東臺登北榭燕南堂露涼
玉簪零亂竹靜有深香醉聽新聲金縷愛仰東山雅
量清賞興何長高詠遂初賦松柏鬱蒼蒼

水龍吟

壽都督史侯時
為東平總管

漢壇千古風流笑談自是詩書將兩淮草木一門忠
孝先聲遠暢奕世金貂雄邊韜略三軍獨張道十年
漢水旌旗動色春都在投壺唱 一點德星迴照光

浮動太山千丈戟門春靜人安事簡提封保障漢相
規隨蓋公安靖平生心賞見壽毫不遠鳳池消息醉
仙家釀

二賦遵花
海棠

兩株雲錦翻空換根元有丹砂秘綉幃重繞銀缸高
照故家風味翠羽生紅霧紗肌玉風流誰比記沉香
亭暖貞妃半醉雲鬢亂耽春睡夢裏昆明灰冷恍
留在紅幢翠袂金盤華屋無心與並朱門桃李一酸
傷春臨軒便恐綵鸞交墜倩紫簫喚起霓裳舊曲拚
花前醉

三送焦和之赴
百夏行省

當年紫禁煙花相逢恨不知音早秋風倦客一杯情

話為君傾倒回首燕山月明庭樹兩枝烏繞正情馳
魏闕空書怪事心膽墮傷殷浩禍福無端倚伏問
古今幾人明了滄浪漁父歸來驚笑靈均祜稿邂逅
淇南歲寒獨在故人襟袍恨黃塵障盡西山遠日送
斜陽鳥

四賦春雪

空齋寂寞春寒坐來庭竹風聲悄天低雲暖冰花誰
剪湏臾雲擾好是東君與時呈瑞春迴枯槁快黃塵
壓盡千林膏沐休更問青山老我愛春來起早恍
甚窓光搖瓊島玉萃城郭炊煙巷陌酒旗風裊高興
悠然沽壚思與文園傾倒為使君預報春城燈火比
年時好

五
壽陳

倚天望漢臺高

公趙人右節
將軍望漢臺

騫騰便到煙霄上一時

殊遇風雲

儷景元龍

豪爽剛斷

冰清風流却有東山

雅量道十年

京洛棠陰

遺愛人如醉

春風釀

一點

德星回照

光浮動太行

千文戟門

春靜人安事

簡功

餘保障燕

寢香凝不妨

時在騷壇

吟賞為使君

預泛

鳳池春浪

壽金華相

六

日邊儷景

同翻千年

高際風雲

會堂大節

中流砥

柱狂瀾

橫制黃閣

歸來英姿

颯爽故家

房魏甚是

中却有東

山雅量經

綸盡金華

事總道丹

心為國要

春滿人間

桃李詩壇

風月清時

鐘鼓不妨

遊戲一點

台星五雲縈繞鳳池佳氣為相君滿泛金盤仙露枕
秋蟾醉

七

已未春三月同柔克濟河中流風雨大作幾覆者再感念疇昔為賦此詞且以經事之後重有所惜云

春流兩岸桃花驚濤極目吞天去孤舟纜解棹歌聲
沸漁舠掀舞雲影西來片帆吹飽滿空風雨悵淋漓
元氣江南圖畫煙霏盡汀洲樹天地此身逆旅笑
歸來滿衣塵土功名此子就中多少艱危辛苦北去
南來風波依舊行人爭渡聽滄浪一曲漁人歌罷對
夕陽暮

八

舜泉在濟南城中自壬子年水去來不
常今歲秋八月余到官兩日泉流復出
其深可厲回風瀟々翠萍盈沼邦人以
爲神來之兆近陪憲使展敬祠下因索
鄙作謹繼丞相雙溪公懷古嚴韻用紀
其異

窈然碧玉池方綠波不見還凝佇翠萍痕在金支光
澹湘妃無語瑤瑟聲沉盡欄愁絕幾回如許甚風煙
依約魚龍黯慘空回首珠簾暮一夕翠華臨幸也
悲涼故宮塵土石根碧漲天瓢翻出黑灣雷雨思舜
亭高風漪吹散滿空秋暑欲蒼梧回叫鳳簫淒斷聽

躬耕處

九登邯鄲
叢臺

春風趙國臺荒月明幾照苕華夢從亡橫破西山留
在翠鬟煙擁劒履三千平原池館誰家耕壟甚千年
事徃野花雙塔依然是騷人詠還憶張陳繼起信
侯王本來無種乾坤萬里中原自古幾多麟鳳一寸
囊錐初無銛穎也沾時用對殘缸影澹黃根飯了聽
征車動

十

至元十七年三月廿二日余按部東行
梁門劉君仲祥自高林來餞臨歧把酒
長歌不休旣而壺傾猶不忍別復聯鑣

幾三十里踰大尹而去不知劉君得於
余者何而乃尔相愛因以水龍吟歌之
且疇雅厚仍荅見徵之意云

綠楊一道飛花綉衣亂點如晴雪玉餅酒盡陽關歌
徹未容輕發綠綺論心幾人得似劉君風節記山堂
轟醉已成塵迹今又作東城別 卅事悠悠誰料淡
長空孤鴻明滅老懷耿耿正須自信堅弥百折白髮
灰心平生留在情馳丹闕悵孤雲細草東州回望恨
高城隔

十一

纖苞淡貯幽香玲瓏軒瑣秋陽麗仙根借暖定應不
待荆王翠被瀟洒輕盈玉容渾是金莖露氣甚西風